


雜阿含經

第六

二百七十一  
之六

49466  
9



雜阿含經卷第六

宋天竺三藏求那跋陀羅譯

如是我聞一時佛住摩拘羅山時有侍者比丘名曰羅陀晡時從禪覺往詣佛所禮佛足退坐一面白佛言如世尊說有流云何名有流云何名有流滅佛告羅陀善哉所問當為汝說所謂有流者愚癡無聞凡夫於色集色滅色味色患色離不如實知不如實知故於色愛樂讚歎攝受染著緣愛樂色故取緣取故有緣有故生緣生故老病死憂悲惱苦增如是純大苦聚斯集起受想行識亦復如是是名有流多聞聖弟子於色集色滅色味色



患色離如實知如實知故於彼色不起愛樂  
讚歎攝受染著不受樂讚歎攝受染著故色  
愛則滅愛滅則取滅取滅則有滅有滅則生  
滅生滅則老病死憂悲惱苦滅如是純大苦  
聚滅受想行識亦復如是是名如來所說有  
有流有流滅佛說此經已羅陁比丘聞佛所  
說歡喜奉行

如是我聞一時佛住摩拘羅山時有侍者比  
丘名羅陁晡時從禪覺往詣佛所禮佛足退  
坐一面白佛言世尊如世尊說色斷知受想  
行識斷知世尊云何色斷知受想行識斷知  
佛告羅陁善哉所問當爲汝說於色憂悲惱

苦盡離欲滅息沒是名色斷知於受想行識  
憂悲惱苦盡離欲滅息沒是名受想行識斷  
知佛說此經已羅陁比丘聞佛所說歡喜奉行  
如是我聞一時佛住摩拘羅山時有侍者比  
丘名曰羅陁時有衆多外道出家詣尊者羅  
陁所共相問評已退坐一面問尊者羅陁言

汝何故於沙門瞿曇所出家修梵行尊者羅  
陁荅言我爲斷苦故於世尊所出家修梵行  
復問汝爲斷何等苦故於沙門瞿曇所出家  
修梵行羅陁荅言爲斷色苦故於世尊所出  
家修梵行斷受想行識苦故於世尊所出家  
修梵行時諸外道出家聞尊者羅陁所說心

不喜從座起訶罵而去。尔時尊者羅陀諸外  
道出家去已作是念我向如是說將不毀謗  
世尊耶如說說耶如法說法次法說耶將不  
爲他難問詰責墮負處耶。尔時尊者羅陀  
時從禪覺往詣佛所稽首佛足却坐一面以  
其上事具白佛言世尊我向所說得無過耶  
將不毀謗世尊耶不爲他人難問詰責墮負  
處耶如說說耶如法說法次法說耶佛告羅  
陀汝誠實說不毀如來如說說如法說法次  
法說所以者何羅陀色苦爲斷彼苦故出家  
修梵行受想行識苦爲斷彼苦故出家修梵  
行佛說此經已羅陀比丘聞佛所說歡喜奉行

如是我聞一時佛住摩拘羅山時有侍者比  
丘名曰羅陀時有衆多外道出家至尊者羅  
陀所共相問評已退坐一面問羅陀言汝爲  
何等故於沙門瞿曇所出家修梵行羅陀答  
言我爲知苦故於世尊所出家修梵行時諸  
外道聞羅陀所說心不喜從座起訶罵而去  
今時羅陀晡時從禪覺往詣佛所稽首佛足  
退坐一面以其上事具白佛言世尊我向所  
說得無毀謗世尊耶將不令他難問詰責墮  
負處耶不如說說非如法說非法次法說耶  
佛告羅陀汝真實說不毀如來不令他人難  
問詰責墮負處也是如說說如法說法次法

說所以者何色是苦爲知彼苦故於如來所  
出家修梵行受想行識是苦爲知彼苦故於  
如來所出家修梵行佛說此經已羅陁比丘  
聞佛所說歡喜奉行

如是我聞一時佛住摩拘羅山時有侍者比  
丘名曰羅陁時有衆多外道出家至尊者羅  
陁所共相問訊已退坐一面問羅陁言汝爲  
何等故於沙門瞿曇所出家修梵行羅陁答  
言爲於色憂悲惱苦盡離欲滅寂沒故於如  
來所出家修梵行爲於受想行識憂悲惱苦  
盡離欲滅寂沒故於如來所出家修梵行亦  
時衆多外道出家聞是已心不喜從座起訶



罵而去。尔時羅陁晡時從禪覺往詣佛所。稽首禮足，退坐一面。以其上事具白佛言：世尊，我得無謗。世尊，耶不令他人來難問詰責墮負處。耶不如說說非法。如法說非法，次法說耶。佛告羅陁：汝真實說不謗。如來不令他人難問詰責墮負處也。如說說如法說法，次法說所以者何？羅陁色憂悲惱苦爲斷彼故。於如來所出家修梵行，受想行識憂悲惱苦爲斷彼故。於如來所出家修梵行，佛說此經已。羅陁比丘聞佛所說歡喜奉行。如是我聞。一時佛住摩拘羅山，時有侍者比丘名曰羅陁。時有衆多外道出家，至羅陁所。

共相問訊已退坐一面問羅陀比丘言汝何  
故於沙門瞿曇所出家修梵行羅陀荅言於  
色見我我所我慢使繫著彼若盡離欲滅寂  
沒於受想行識見我我所我慢使繫著彼若  
盡離欲滅寂沒故於世尊所出家修梵行諸  
外道出家聞是語心不喜從座起訶罵而去

羅陀比丘晡時從禪覺往詣佛所稽首禮足  
退坐一面以其上事具白佛言世尊我之所  
說得無毀謗世尊耶不令他人難問詰責墮  
負處耶不如說說不如法說非法次法說耶  
佛告羅陀汝真實說不謗如來不令他人難  
問詰責墮負處也是如說說如法說法次法

說所以者何於色見我我所我慢使繫著彼  
若盡離欲滅寂沒故受想行識見我我所我  
慢使繫著彼若盡離欲滅寂沒故於如來所  
出家修梵行佛說此經已羅陀比丘聞佛所  
說歡喜奉行

如是我聞一時佛住摩拘羅山時有侍者比  
丘名曰羅陀時有衆多外道出家至羅陀所  
共相問訊已退坐一面問羅陀言汝何故於  
沙門瞿曇所出家修梵行羅陀答言於色有  
漏障礙熱惱憂悲彼若盡離欲滅寂沒受想  
行識有漏障礙熱惱憂悲彼若盡離欲滅寂  
沒故於如來所出家修梵行時衆多外道出家

聞是已心不喜從座起訶罵而去尔時羅陀  
晡時從禪覺往詣佛所稽首佛足退坐一面  
以其上事具白佛言世尊我之所說將無謗  
世尊耶不令他人難問詰責墮負處耶不如  
說說不如法說非法次法說耶佛告羅陀汝  
真實說不謗如來不令他人難問詰責墮負  
處也如說說如法說法次法說所以者何色  
有漏有障礙熱惱憂悲彼若盡離欲滅寂沒  
受想行識有漏障礙熱惱憂悲彼若盡離欲  
滅寂沒故於如來所出家修梵行佛說此經  
已羅陀比丘聞佛所說歡喜奉行  
如是我聞一時佛住摩拘羅山時有侍者比

丘名曰羅陀時有外道出家至羅陀所共相  
問訊已退坐一面問羅陀言汝何故於沙門  
瞿曇所出家修梵行羅陀答言於色貪恚癡  
彼若盡離欲滅寂沒於受想行識貪恚癡彼  
若盡離欲滅寂沒於如來所出家修梵行諸  
外道聞是語已心不喜從座起訶罵而去羅  
陀比丘晡時從禪覺往詣佛所稽首佛足退  
坐一面以其上事具白佛言世尊我之所說  
將無謗世尊耶不令他人難問詰責墮負處  
耶不如說說不如法說非法次法說耶佛告  
羅陀汝真實說不謗如來不令他人難問詰  
責墮負處也如說說如法說如法次法說所

以者何於色貪恚癡彼若盡離欲滅寂沒於  
受想行識貪恚癡彼若盡離欲滅寂沒故於  
如來所出家修梵行佛說此經已羅陀比丘  
聞佛所說歡喜奉行

如是我聞一時佛住摩拘羅山時有侍者比  
丘名曰羅陀時有衆多外道出家至羅陀所  
共相問訊已退坐一面問羅陀言汝何故於  
沙門瞿曇所出家修梵行羅陀答言於色欲  
愛喜彼若盡離欲滅寂沒於受想行識欲愛  
喜彼若盡離欲滅寂沒故於如來所出家修  
梵行時諸外道聞是語已心不喜從座起訶  
罵而去羅陀比丘晡時從禪覺詣佛所稽首

佛足退坐一面以其上說具白佛言世尊我  
之所說不謗如來耶不令他人難問詰責墮  
負處耶不如說說不如法說非法次法說耶  
佛告羅陁汝真實說不謗如來不令他人難  
問訶責墮負處也如說說如法說法次法說  
所以者何於色欲愛喜彼若盡離欲滅寂沒  
於受想行識欲愛喜彼若盡離欲滅寂沒故  
於如來所出家修梵行佛說此經已羅陁比  
丘聞佛所說歡喜奉行  
如是我聞一時佛住摩拘羅山時有侍者比  
丘名曰羅陁尔時世尊告羅陁言諸所有色  
若過去若未來若現在若內若外若麤若細

若好若醜若遠若近彼一切當觀皆是魔所作諸所有受想行識若過去若未來若現在若內若外若麤若細若好若醜若遠若近彼一切當觀皆是魔所作佛告羅陀色為常耶為無常耶答曰無常世尊復問若無常者是苦耶答曰是苦世尊受想行識亦復如是復問羅陀若無常苦者是變易法多聞聖弟子寧於中見色是我異我相在不答曰不也世尊受想行識亦復如是佛告羅陀若多聞聖弟子於此五受陰不見是我是我所故於諸世間都無所取無所取故無所著無所著故自覺涅槃我生已盡梵行已立所作已作自



知不受後有佛說此經已羅陁比丘聞佛所  
說歡喜奉行

如是我聞一時佛住摩拘羅山時有侍者比  
丘名曰羅陁尔時世尊告羅陁比丘言諸所  
有色若過去若未來若現在若內若外若麤  
若細若好若醜若遠若近彼一切皆是死法  
所有受想行識若過去若未來若現在若內  
若外若麤若細若好若醜若遠若近彼一切  
皆是死法佛告羅陁色為常耶為無常耶答曰  
無常世尊復問無常者是苦耶答曰是苦世  
尊受想行識為常耶為無常耶答曰無常世尊  
復問若無常者是苦耶答曰是苦世尊復問

若無常苦者是變易法多聞聖弟子寧於中  
見是我異我相在不荅曰不也世尊佛告羅  
陀若多聞聖弟子於此五受陰如實觀察非  
我非我所者於諸世間都無所取無所取者  
無所著無所著故自覺涅槃我生已盡梵行  
已立所作已作自知不受後有佛說此經已  
羅陀比丘聞佛所說歡喜奉行  
如是我聞一時佛住摩拘羅山時有侍者比  
丘名曰羅陀白佛言世尊所謂衆生者云何  
名爲衆生佛告羅陀於色染著纏綿名曰衆  
生於受想行識染著纏綿名曰衆生佛告羅  
陀我說於色境界當散壞消滅於受想行識

境界當散壞消滅斷除愛欲愛盡則苦盡苦  
盡者我說作苦邊譬如聚落中諸小男小女  
嬉戲聚土作城郭宅舍心愛樂著愛未盡欲  
未盡念未盡渴未盡心常愛樂守護言我城  
郭我舍宅若於彼土聚愛盡欲盡念盡渴盡  
則以手撥足蹈令其消散如是羅陀於色散  
壞消滅愛盡愛盡故苦盡苦盡故我說作苦  
邊佛說此經已羅陀比丘聞佛所說歡喜奉行  
如是我聞一時佛住摩拘羅山時有侍者比  
丘名曰羅陀往詣佛所稽首禮足退坐一面  
白佛言善哉世尊爲我略說法要我聞法已  
我當獨一靜處專心思惟不放逸住所以族

姓子剃除鬚髮身著染衣正信非家出家學  
道增加精進修諸梵行見法自知作證我生  
已盡梵行已立所作已作自知不受後有介  
時世尊告羅陀曰善哉羅陀能於佛前問如  
是義諦聽善思當為汝說羅陀當知有身有  
身集有身滅有身滅道跡何等為有身謂五  
受陰色受陰受想行識受陰去何有身集謂  
當來有愛貪喜俱於彼彼愛樂是名有身集  
去何有身滅謂當有愛喜貪俱彼彼愛樂無  
餘斷捨吐盡離欲寂沒是名有身盡去何有  
身滅道跡謂八正道正見正志正語正業正  
命正方便正念正定是名有身滅道跡有身

當知有身集當斷有身滅當證有身滅道跡當  
知當修羅陀若多聞聖弟子於有身若知若  
斷有身集若知若斷有身滅若知若證有身  
滅道跡若知若修已羅陀名斷愛離愛轉結  
止慢無間等究竟苦邊羅陀比丘聞佛所  
說歡喜隨喜奉行從座起作禮而去世尊如  
是教授已羅陀比丘獨一靜處專精思惟所  
以者何善男子剃除鬚髮著染色衣正信非  
家出家學道增益精進修諸梵行見法自知  
作證我生已盡梵行已立所作已作自知不  
受後有成阿羅漢心善解脫佛說此經已羅  
陀比丘聞佛所說歡喜奉行

如是我聞一時佛住摩拘羅山時有侍者比丘名曰羅陀爾時世尊告羅陀比丘言諸比丘有色若過去若未來若現在若內若外若麤若細若好若醜若遠若近彼一切當觀皆是魔受想行識若過去若未來若現在若內若外若麤若細若好若醜若遠若近彼一切當觀皆是魔羅陀於意云何色爲常耶爲無常耶答曰無常世尊若無常者是苦耶答曰是苦世尊若無常苦者是變易法多聞聖弟子寧於中見我不受想行識亦復如是是故羅陀多聞聖弟子於色生厭於受想行識生厭故不樂不樂故解脫解脫知見我生已盡

梵行已立所作已作自知不受後有佛說此經已羅陀比丘聞佛所說歡喜奉行

如是我聞一時佛住摩拘羅山時有侍者比丘名曰羅陀尔時世尊告羅陀比丘言諸所  
有色若過去若未來若現在若內若外若麤  
若細若好若醜若遠若近彼一切皆是魔所  
作受想行識亦復如是佛告羅陀於意云何  
色是常耶爲非常耶答曰無常世尊復問若  
無常者是苦耶答曰是苦世尊復問受想行  
識爲是常耶爲無常耶答曰無常世尊復問  
若無常者是苦耶答曰是苦世尊復問  
若無常者是變易法多聞聖弟子寧於中

見我異我相在不答曰不也世尊是故羅陀  
多聞聖弟子於色生厭厭故不樂於受想行  
識生厭厭故不樂不樂故解脫解脫知見我  
生已盡梵行已立所作已作自知不受後有  
佛說此經已羅陀比丘聞佛所說歡喜奉行  
第三經亦如是所異者佛告羅陀多聞聖弟  
子於此五受陰觀察非我非我所觀察已於  
諸世間都無所取不取故不著不著故自覺  
涅槃我生已盡梵行已立所作已作自知不  
受後有佛說此經已羅陀比丘聞佛所說歡  
喜奉行

如是我聞一時佛住摩拘羅山時有侍者比



丘名曰羅陀。尔時世尊告羅陀言：諸所有色，若過去若未來若現在，若內若外，若麤若細，若好若醜，若遠若近，當觀彼一切，皆是死法。受想行識亦復如是。餘如前說。

如是我聞。一時佛住摩拘羅山，時有侍者比丘名曰羅陀。尔時世尊告羅陀言：諸所有色，若過去若未來若現在，若內若外，若麤若細，若好若醜，若遠若近，彼若一切當觀，皆是斷法。受想行識亦復如是。多聞聖弟子如是觀者，於色生厭，於受想行識生厭，故不樂不樂，故解脫。解脫知見，自知我生已盡，梵行已立，所作已作，自知不受。後有佛說此經，已羅。

隨比丘聞佛所說歡喜奉行

如是我觀察斷法如是觀察滅法觀察棄捨  
法觀察無常法觀察苦法觀察空法觀察非  
我法觀察無常苦空非我法觀察病法觀察  
癱法觀察刺法觀察殺法觀察殺根本法觀  
察病癱刺殺殺根本法如是諸經皆如上說  
如是我聞一時佛住摩拘羅山時有侍者比  
丘名曰羅隨尔時世尊告羅隨言諸所有色  
若過去若未來若現在若內若外若麤若細  
若好若醜若遠若近彼一切當觀皆是斷法  
觀察已於色欲貪斷欲貪斷已我說心善解  
脫受想行識亦復如是佛說此經已羅隨比

丘聞佛所說歡喜奉行

如是比十四經亦如上說

如是我聞一時佛住摩拘羅山時有侍者比丘名曰羅陀爾時世尊告羅陀言諸所有色若過去若未來若現在若內若外若麤若細若好若醜若遠若近彼一切當觀皆是斷法觀察斷法已於色欲貪斷欲貪斷已我說心善解脫受想行識亦復如是佛說此經已羅陀比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘欲斷五受陰者當來大師何等爲五謂色受陰受想行識受陰欲斷

此五受陰當求大師佛說此經已諸比丘聞  
佛所說歡喜奉行

如當斷如是當知當吐當息當捨亦復如是  
如求大師如是勝師者順次師者教誠者勝  
教誠者順次教誠者通者廣通者圓通者導  
者廣導者究竟導者說者廣說者順次說者  
政者伴者真知識者親者愍者悲者崇義者  
安慰者崇樂者崇觸者崇安安慰者欲者精進  
者方便者勤者勇猛者固者強者堪能者專  
者心不退者堅執持者常習者不放逸者和  
合者思量者憶念者覺者知者明者慧者受  
者思惟者梵行者念處者政勤者如意足者

根者力者覺分者道分者止者觀者念身者  
政憶念者亦復如是

如是我聞一時佛住舍衛國祇樹給孤獨園  
尔時世尊告諸比丘若沙門婆羅門習於色  
者隨魔自在入於魔手隨魔所欲爲魔所縛  
不脫魔繫受想行識亦復如是若沙門婆羅  
門不習色如是沙門婆羅門不隨魔自在不  
入魔手不隨魔所欲解脫魔縛解脫魔繫受  
想行識亦復如是佛說是經已諸比丘聞佛  
所說歡喜奉行

如是習近者習著者味者決定者止者使  
者往者選擇者不捨者不吐者如是等沙門

婆羅門隨魔自在如上說

如是我聞一時佛住舍衛國祇樹給孤獨園  
尔時世尊告諸比丘若沙門婆羅門於色不  
習近者不隨魔自在不入魔手不隨魔所欲  
非魔縛所縛解脫魔繫不習受想行識亦復  
如是佛說此經已諸比丘聞佛所說歡喜奉行

乃至吐色亦復如是

如是我聞一時佛住舍衛國祇樹給孤獨園  
尔時世尊告諸比丘何所有故何所起何所  
繫著何所見我令衆生無明所蓋愛繫其首  
長道驅馳生死輪迴生死流轉不知本際諸  
比丘白佛言世尊是法根法眼法依善哉出

尊唯願哀愍廣說其義諸比丘聞已當受奉  
行佛告比丘諦聽善思當為汝說諸比丘色  
有故色事起色繫著色見我令衆生無明所  
蓋愛繫其首長道驅馳生死輪迴生死流轉  
受想行識亦復如是諸比丘色為常耶為非  
常耶荅曰無常世尊復問若無常者是苦耶  
荅曰是苦世尊如是比丘若無常者是苦是  
苦有故是事起繫著見我令衆生無明所蓋  
愛繫其頭長道驅馳生死輪迴生死流轉受  
想行識亦復如是是故諸比丘諸所有色若  
過去若未來若現在若內若外若麤若細若  
好若醜若遠若近彼一切非我非異我不相

在是名正慧受想行識亦復如是如是見聞  
覺識得求憶隨覺隨觀彼一切非我非異我  
不相在是名正慧若有見言有我有世間有  
此世常恒不變易法彼一切非我非異我不  
相在是名正慧若復有見非此我非此我所非  
當來我非當來我所彼一切非我非異我不  
相在是名正慧若多聞聖弟子於此六見處  
觀察非我察非我所如是觀者於佛所狐疑  
斷於法於僧狐疑斷是名比丘多聞聖弟子  
不復堪任作身口意業趣三惡道政使放逸  
聖弟子決定向三善提七有天人往來作苦  
邊佛說此經已諸比丘聞佛所說歡喜奉行



如是我聞一時佛住舍衛國祇樹給孤獨園  
亦時世尊告諸比丘如上說差別者多聞聖  
弟子於此六見處觀察非我所如是觀  
者於苦狐疑斷於習滅道狐疑斷是名比丘  
多聞聖弟子不復堪任作身口意業趣三惡  
道如是廣說乃至作苦邊佛說此經已諸比  
丘聞佛所說歡喜奉行

如是我聞一時佛住舍衛城祇樹給孤獨園  
亦時世尊告諸比丘廣說如上差別者若多  
聞聖弟子於此六見處觀察非我所如  
是觀者於佛狐疑斷於法僧苦集滅道狐疑  
斷如是廣說乃至作苦邊佛說此經已諸比

丘聞佛所說歡喜奉行

如是我聞一時佛住舍衛國祇樹給孤獨園  
尔時世尊告諸比丘於何所是事有故何所  
起何所繫著何所見我諸比丘令彼衆生無  
明所蓋愛繫其首長道驅馳生死輪迴生死  
流轉不知本際諸比丘白佛世尊是法根法  
眼法依善哉世尊惟願哀愍廣說其義諸比  
丘聞已當受奉行


佛告諸比丘諦聽善思當爲汝說諸比丘色  
有故是色事起於色繫著於色見我令衆生  
無明所蓋愛繫其首長道驅馳生死輪迴生  
死流轉受想行識亦復如是諸比丘色是常

耶爲非常耶答曰無常世尊復問若無常者  
是苦耶答曰是苦世尊如是比丘若無常者  
是苦是苦有故是事起繫著見我令衆生無  
明所蓋愛繫其首長道驅馳生死輪迴生死  
流轉受想行識亦復如是是故諸比丘諸所  
有色若過去若未來若現在若內若外若麤  
若細若好若醜若遠若近彼一切非我非異  
我不相在如是觀者是名正慧受想行識亦  
復如是如是見聞覺識求得隨憶隨覺隨觀  
彼一切非我非異我不相在是名正慧若有  
見言有我在此世有他世有常有恒不變易  
彼一切非我非異我不相在是名正慧若復

有見非此我非此我所非當來我非當來我  
所彼一切非我非異我不相在是名正慧若  
多聞聖弟子於此六見處觀察非我非我所  
如是觀者於佛狐疑斷於法僧狐疑斷是名  
比丘不復堪任作身口意業趣三惡道正使  
放逸諸聖弟子皆悉決定向於三菩提七有  
天人往生作苦後邊佛說此經已諸比丘聞  
佛所說歡喜奉行

第二經亦如是差別者於苦集滅道狐疑斷  
第三經亦如是差別佛法僧狐疑斷於苦集  
滅道狐疑斷

雜阿含經卷第六



之

